



Broj: 10/E-11-4028/25
Sarajevo, ~~15-07-2025~~ godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-162/25 od 05.03.2025. godine, (u daljem tekstu: Komisija I), u postupku javne nabavke: Nabavka 2 (dva) ATV Quad vozila i 1 (jedne) motorne sanke Službi za spašavanje sa visina, u prirodi, na vodi i pod vodom (Zapisnik o pregledu i ocjeni ponuda broj: 10/E-11-4028/25 od 10.07.2025. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda ponuđača „LKS“ d.o.o. Sarajevo, ulica Grada Bakua broj 5, 71000 Sarajevo, broj: 28-VI/25 od 23.06.2025. godine, za nabavku 2 (dva) ATV Quad vozila i 1 (jedne) motorne sanke Službi za spašavanje sa visina, u prirodi, na vodi i pod vodom, putem otvorenog postupka, sa cijenom u ukupnom iznosu od **84.935,05 KM bez PDV-a**, odnosno **99.374,00 KM sa PDV-om**.
- II.** Ugovorni organ će sa izabranim ponuđačem zaključiti Ugovor, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- III.** Ova Odluka se dostavlja ponuđaču koji je učestvovao u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke 2 (dva) ATV Quad vozila i 1 (jedne) motorne sanke Službi za spašavanje sa visina, u prirodi, na vodi i pod vodom, pokrenut je Odlukom Općinskog načelnika o pokretanju postupka javne nabavke putem otvorenog postupka, broj: 10/E-11-4028/25 od 12.06.2025. godine.

Predmet nabavke nije podijeljen na lotove.

Procijenjena vrijednost javne nabavke bez uračunatog PDV-a iznosi **85.470,00 KM**.

Obavještenje o nabavci 848-1-1-77-3-146/25 objavljeno je dana 16.06.2025. godine na Portal javnih nabavki (www.ejn.gov.ba).

U krajnjem roku za predaju ponuda koji je određenom tenderskom dokumentacijom (08.07.2025. godine do 13:00 sati), na adresu Ugovornog organa primljena je 1 (jedna) ponuda ponuđača „LKS“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju pristigle ponude i nakon što je utvrđena blagovremenost i urednost dostave, pročitana je cijena ponude, u skladu sa kriterijem za dodjelu ugovora „najniža cijena“ kako slijedi:

r/b	Ponuđač	Ukupna cijena bez PDV-a (KM)	Popust (%) / KM	Ukupno sa popustom bez PDV-a (KM)
1.	„LKS“ d.o.o. Sarajevo	84.935,05	-	84.935,05

Nakon izvršenog javnog otvaranja ponude, na zatvorenom sastanku Komisija I je pristupila detaljnom pregledu i analizi dokumentacije priložene uz ponudu, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Na osnovu rezultata detaljnog pregleda ponude Komisija I je jednoglasno konstatovala da dostavljena ponuda ponuđača „LKS“ d.o.o. Sarajevo ispunjava formalno-pravne, ekonomske i tehničke uslove, odnosno da ispunjava uslove iz tenderske dokumentacije i zahtjeve Ugovornog organa za predmetnu nabavku, kao i da je prihvatljiva u smislu odredaba Zakona o javnim nabavkama.

Detaljnom računskom provjerom ispravnosti ponude ponuđača „LKS“ d.o.o. Sarajevo, Komisija I je ustanovila da je ponuda računski ispravna, te da je ispravno obračunata ukupna cijena ponude sa PDV-om.

U daljem toku postupka Komisija I je izvršila analizu cijene dostavljene ponude, shodno kriteriju za izbor najpovoljnije ponude, kako slijedi:

r/b	Ponuđač	Ukupna cijena bez PDV-a (KM)	Popust (%) / KM	Ukupno sa popustom bez PDV-a (KM)	Ukupno sa PDV-om (KM)
1.	„LKS“ d.o.o. Sarajevo	84.935,05	-	84.935,05	99.374,00

Nakon analize i evaluacije pristigle prihvatljive ponude prema pravilima propisanim Zakonom o javnim nabavkama i podzakonskim aktima, primjenom tenderske dokumentacije propisanog kriterija za dodjelu ugovora „**najniža cijena**“, u skladu sa članom 64. stav (1) tačka b) Zakona o javnim nabavkama, Komisija I je izvršila rangiranje ponude kako slijedi:

RANG	Ponuđač	Ukupno bez PDV-a (KM)
1.	„LKS“ d.o.o. Sarajevo	84.935,05

Shodno svemu naprijed izloženom, Komisija I je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Ponuđača „**LKS**“ d.o.o. Sarajevo, ulica Grada Bakua broj 5, 71000 Sarajevo, broj: 28-VI/25 od 23.06.2025. godine, sa cijenom u ukupnom iznosu od **84.935,05 KM bez PDV-a**, odnosno **99.374,00 KM sa PDV-om**, kao najpovoljnije za nabavku 2 (dva) ATV Quad vozila i 1 (jedne) motorne sanke Službi za spašavanje sa visina, u prirodi, na vodi i pod vodom.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. stav (1) tačka d) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 3.000,00 KM u skladu sa članom 108. stav (1) tačka c) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.

Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda

broj: 10/E-11-4028/25 od 09.07.2025. godine



Dostaviti:

1. Ponuđaču: „LKS“ d.o.o. Sarajevo, ulica Grada Bakua broj 5, 71000 Sarajevo
2. Službi za civilnu zaštitu
3. Kabinetu općinskog načelnika – Odsjek za javne nabavke
4. Službi za finansije
5. U spis